



U srcu Sarajeva uzgajali marihuanu

U akciji Gabela pripadnici **SIPA** su uhapsili Muamera Hanića i Semira Sabljicu

Piše: **DRAGAN PAVLOVIĆ**

U istom mjesecu kada su pripadnici Ministarstva unutrašnjih poslova KS-a, MUP-a TK-a i HNK-a izveli akciju Limit i razbili narkolanac u FBiH, pripadnici **Državne agencije za istrage i zaštitu** BiH su u akciji Gabela uhapsili Muamera Hanića i Semira Sabljicu. Oni su ispitani u **SIPA**, nakon čega su predati sarajevskom Kantonalnom tužilaštvu gdje će biti zadržani 24 sata.

Kako saznajemo, prilikom pretresa inspektori su u Ulici Adžemovića u Sarajevu pronašli marihuanu, spid, dvije stabljike kanabisa, staklenu teglu sa skankom, vrećice u kojima se nalazila mješavina duhana i skanka, opremu za laboratorij u kojem se uzgaja skank - ventilatore, izduvne cijevi, lampe, grijalice i transformatore, zatim digitalnu vagu, oružje... Sve je oduzeto i bit će predmet vještačenja.

Akcija **SIPA** je izvedena po naredbi sarajevskog Kantonalnog suda. Kome su prodavali drogu, te koliko dugo se odvijao proces uzgajanja pomenute droge, kao i to ko su bili konzumenti, bit će predmet istrage kojom rukovodi Tužilaštvo Kantona Sarajevo. / STR. 15.

Uzgajali marihuanu u srcu Sarajeva

U akciji kodnog naziva Gabela uhapšeni Muamer Hanić i Semir Sabljica • Na saslušanju u Tužilaštvu

U akciji kodnog imena Gabela, koju su izveli pripadnici Državne agencije za istrage i zaštitu (SIPA), uhapšene su dvije osobe osumnjičene za neovlaštenu proizvodnju i stavljanje u promet opojnih droga. Kako saznajemo, uhapšeni su Muamer Hanić i Semir Sabljica, obojica iz Sarajeva.

Odluka

Obojica su nakon ispitivanja u SIPA predati u nadležnost sarajevskom Kantonalnom tužilaštvu, gdje će biti saslušani. Nakon toga će biti donesena odluka o eventualnom pritvoru.

Iz SIPA je jučer saopćeno da je akcija izvedena po naredbama Kantonalnog suda u Sarajevu i pod nadzorom Tužilaštva KS-a.

Tokom akcije pretresene su tri lokacije na području Sarajeva i tom prilikom pronađeni su i privremeno oduzeti dvije PVC vrećice spida u neto iznosu od 126,3 grama, 22 posebno pakovana paketića marihuane neto težine 27,1 gram, dvije stabljike kanabisa, staklena tegla u kojoj se nalazio skank, PVC vrećica u kojoj se nalazi mješavina duhana i skanka oko 0,5 kg, oprema za laboratorij u kojem



Prilikom pretresa nađen laboratorij u kojem se uzgaja skank / ILUSTRACIJA

se uzgaja skank (ventilatori, izduvne cijevi, lampe, grijalice i transformatori), te digitalna vaga.

Boca

Kako navode u SIPA, nađena je i boca sa nepoznatom tekućinom, sa natpisom metanol, PVC vrećica sa nepoznatom bijelom praškastom materijom, automatska puška MP40 sa devet metaka kalibra 9 mm, ručna

bomba i okvir za pištolj sa pet metaka kalibra 7,65 mm, 400 maraka i mobitel samsung.

Nezvanično, prilikom pretresa Hanićeve kuće i pratećih objekata u Ulici Adžemovića u Starom Gradu pronađene su saksije sa posađenim stabljikama indijske konoplje i sva oprema potrebna za vještački uzgoj marihuane. Sve nađeno je oduzeto i bit će predmet vještačenja. **D. P.**